

NDIMA YA 12

MUVHIGO WA U THATHUVHA NSC LARA 2017

TSHIVENDA LUAMBO LWA HAYANI (HL)

Muvhigo u tevhelaho u tea u vhaliwa khathihi na mabambiri a u linga Tshivenda Luambo lwa Hayani a mulingo wa Lara 2017.

12.1 SIANGANE YA KUSHUMELE: Mabambiri a 1 – 3 (2014 – 2017)

Kushumele kwa vhalingiwa nga u tou angaredza ku sumbedza hu na u tsela fhasi kha niwaha wa 2017 niwaha zwi tshi vhambedzwa na zwe vhalingiwa vha shumisa zwone kha niwaha wa 2016.


Kha uno niwaha wa 2017, zwi talusi zwi tevhelaho ndi zwo bvelaho khagala:

- Tshivhalo tsha vhalingiwa vho niwalaho mulingo tsho fhungudzea nga 3316.
- Kushumelenyangaredzi kwa vhalingiwa kha uno niwaha wa 2017 kwo tsela fhasi, vhunga ho vha na u phasa nga 99.8 % ha tshivhalo tsha vhalingiwa vho phasaho nga 40 u ya ntha.


Thebulu ya 12.1.1 Tshikalo tsha kushumelenyangaredzi kha Tshivenda Luambo lwa Hayani

| Nwaha | Tshivhalo tsha vho niwalaho | Tshivhalo tsha vho phasaho nga 40% u ya ntha | Tshivhalo tshadana(%) tsha vho phasaho nga 40% u ya ntha |
|-------|-----------------------------|--|--|
| 2014 | 13,952 | 13,947 | 100.0 |
| 2015 | 20,301 | 20,281 | 99.9 |
| 2016 | 22,049 | 22,032 | 99.9 |
| 2017 | 18,733 | 18,704 | 99.8 |

Girafu ya 12.1.1 Tshikalo tsha kushumele kha Tshivenda Luambo lwa Hayani



Girafu ya 12.1.2 Girafutshitumbwe ya kuavhelwe/kuphadaladzelwe kwa kushumele (Tshivenda Luambo lwa Hayani: 2014 – 2017)



Kushumele kwa vhalingiwa

12.2 KUSHUMELENYANGAREDZI KWA VHAGUDI KHA BAMMBIRI LA 1 (P1)

Mahumbulwa zwao

(a) Tholokanyondivho

Vhunzhi ha vhalingiwa vho sumbedza u pfesesa tholokanyondivho, fhedzi hu di vha na vha si gathi vho sumbedzaho u kondelwa. Avho ndi vhane vha kha di vha na vhuṭudzetudze ha u tou vhala nga ntha tholokanyondivho yo nekedzwaho. Vhukoni ha vhagudi vhu khagala vhunga kha vha munanguludzo wo vangwaho mbalotshikati yo vha maraga dza 15 kha dza thanganyelo ya 30 yo randelwaho.

(b) Manweledzo

Afha lo tou vha bukuta vhunga vhunzhi ha vhalingiwa vho kona u wana maraga dzothe (10/10). Vhunga u nweledza tshi tshi tou vha tshikili, ri fhululedza vhagudi na vhagudisi kha vhukoni uvhu ho taluleaho.

(c) Kushumisele kwa Luambo

Vhukoni ha luambo ha fomala vhu tea u dzhielwa ntha vhukuma. Vhukoni ha vhalingiwa vhu sumbedza u khwinisea kha mbudziso 3 na 4 dzi kwanmaho Khungedzelo na Khathuni nga u sielisana. Hone-ha, vhuleme vhu sa takuwi vhu vhone kha Mbudziso 5 ya Luambo na Kushumisele; afha ndi he vhunzhi ha vhalingiwa vha wana maraga dza u bva kha 1 u ya kha 3 (10% - 30%) kha dza fumi (10) dzo randelwaho.

12.3 KUSHUMELE KWA VHAGUDI

MBUDZISO YA 1: Tholokanyondivho

Vhukhaki vhu anzelaho u itwa na kupfesesele ku si kwone

- (a) Kha Mbudziso ya 1.7, ndi he vhalingiwa vha sumbedza u sa divha phambano vhukati ha murero na liambe, vha vho khakha u pfa zwine mbudziso ya toda zwone. Naho avho vhaiwe vho vha na ludungela lwa u divha murero uyo, vho kundelwa u *'bvisela khagala nyimele ya tshikolo tsha Mbali'*. Afha vho kundelwa nga vhunzhi u wana maraga dzothe dza 2.
- (b) Vha si gathi vho kundelwaho tshothe ndi avho vha sa vhali mafhungo othe o faredzwaho kha Zwibveledzwa zwa A na B. Mbudziso ya 1.14 yone khayi vhalingiwa vhunzhi havho vha kundelwa u sumbedza *'vhumani vhune ha vha hone vhukati ha mafhungo a re kha Tshibveledzwa tsha A na Tshibveledzwa tsha B'* nga u sa kona u *'tandavhudza'*.

Ngeletshedzo dza makhwinisele

- (a) Vhalingiwa vha tea u vhala vho tou fombe u itela u pfesesa zwo faredzwaho kha zwibveledzwa.
- (b) Vha si gathi vha kha di tou anulula zwo tou ralo u bva kha zwo faredzwaho kha mafhungo a tholokanyondivho. Izwi zwo khakhea, mulingiwa u tea u imelela muhumbulo wawe *'nga maipfi awe'*.
- (c) Figara dza muambo, maambe, mirero na luambo lwa vhudzivha ndi zwine zwa tea u dzhielwa ntha vhukuma kha u vhala u itela u pfesesa. Bugu dza folokuloo dzi tea u vhaliwa u itela u bveledza vhukoni ha vhana kha ili sia (Gr 10 – 12).
- (d) Vhagudisi vha tea u pfumbudza vhagudi kha ili sia vhunga Mbudziso iyi i yone yo faredzaho maraga nnzhi vhukuma kha ili bammbiri.
- (e) Izwi zwi nga konadzea nga u nea vhagudi ndowendowe dzo vhalaho lu si na musi. Kha vha sedze Pulane dza u funza kha CAPS.

MBUDZISO YA 2: Manweledzo

Vhukhaki vhu anzelaho u itwa na kupfeselele ku si kwone

- (a) Vhalingiwa vho sumbedza vhukoni vhu re ntha vhukuma kha iyi mbudziso, he vhunzhi havho vha wana maraga dzothe – 10/10. Izwi zwi a khodisea vhukuma vhunga u nweledza tshi tshi tou vha tshikili tsha vhuhogwa tshi si na vhanzhi.
- (b) Vhalingiwa vha si gathi vha kha di nwa manweledzo nga u shumisa mutevhe wa mbuno ngauri a vha tevhedzi ndaela.
- (c) Vhalingiwa vha si gathi vha kha di tou anulula ipfi nga ipfi, ngeno ndaela i tshi tou vha khagala.
- (d) Vhukhaki ha girama, mupeleto na zwigazwa u vhala, zwi tshi katela na kupatekanyele kwa maipfi, huwe i kha di vha khaedu.

Ngeletshedzo dza makhwinisele

- (a) Vhalingiwa kha vha pfumbudzwe u nwa mamweledzo nga u shumisa *'phara'*, sa zwine ndaela ya laedza.
- (b) Kha vha pfumbudzwe u nwa *'nga maipfi avho'*.
- (c) Mupeleto wone, zwigazwa u vhala, na muwalo (orthography) wone wa Tshivenda, kha zwi gudiswe vhagudi.

(d) Vhadededzi kha vha funze vhana Khethekanyo ya Luambo kha Aphendikisi ya CAPS.

MBUDZISO YA 3: U sengulusa Khungedzelo

Vhukhakhi vhu anzelaho u itwa na kupfeselele ku si kwone

- (a) Vhalingiwa vha si gathi vha kha ḁi kundelwa u ṭhathuvha khungedzelo.
- (b) Vhanzhi a vha pfesesi 'thekeniki' dzi shumiswaho kha maiwalo a u tou vhona. (M 3.2)
- (c) Kha M3.4 ya munangelo, vhalingiwa vho vhalaho vho kundelwa u topola phindulo yoneyone.
- (d) Kha M3.5 vhalingiwa a vha koni u bvisela khagala phambano vhukati ha '*kuhumbulele na mbuno*'.

Ngeletshedzo dza makhwinisele

- (a) Khungedzelo kha i pfumbudzwe vhagudi misi yoṭhe.
- (b) Thekeniki dzoṭhe dza khungedzelo kha dzi funzwe vhagudi, sa fonto, khephusheni, luambo lwa u kungedzela, maipfi a ndeme, nz.
- (c) Mbudziso dza munangelo dzi tea u gudeswa vhunga hu tshi tou vha na lutalo lusekene vhukuma lu fhambanyaho phindulo idzo.
- (d) Luambo lwa u ṭhathuvha (critical language awareness) kha lu gudiswe vhukuma. Kha vha sedze CAPS uri vha thusee kha hezwi kha Aphendikisi.
- (e) Nḁowendowe misi yoṭhe ndi wone mushonga muhulu.

MBUDZISO YA 4: U sengulusa Khathuni

Vhukhakhi vhu anzelaho u itwa na kupfeselele ku si kwone

- (a) Vhuleme vhuhulwane ndi vhu re kha u sa vhonala zwavhuḁi ha khathuni na zwifanyiso; izwi zwi khakhisa vhalingiwa.
- (b) Kha M4.2 ya kushumisele kwa '*luambo lwa muvhili*' i kha ḁi vha khaedu vhukuma. Kha vha sedze CAPS kha Aphendikisi, sa u sinyalala, u aṭama, nz.

Ngeletshedzo dza makhwinisele

- (a) Mushonga ndi u fha nḁowendowe nga vhuḁalo tshifhinga tshoṭhe.
- (b) Aphendikisi i re kha CAPS i a thusa, sa u sinyalala, u aṭama mulomo, nz.

MBUDZISO YA 5: Kushumisele kwa Luambo

Vhukhaki vhu anzelaho u itwa na kupfeselele ku si kwone

- (a) Vhagudi a vha koni u khethekanya na u t̄alusa thinwaipfi dza muambo, mupeleto, tshivhumbeo tsha fhungo, vhudanzi, t̄halutshedzo ya maipfi, figara dza muambo na luambo lwa u t̄hathuvha.
- (b) Izwi zwi khagala kha u kundelwa u fhindula M5.1 – M5.5 dzo faredzaho maraga dza 10.
- (c) Nga u angaredza, vhagudi vho kundelwa nga vhunzhi, lune maraga dza kokovha u bva kha 1 – 3 kha dza 10 dzo randelwaho.

Ngeletshedzo dza makhwinisele

- (d) Vhagudisi na vha Kharikhulam u kha vha takutshedze vha funze na u funzana u itela u khwinisa nyimele.
- (e) Tshikili tsha d̄ivhaluambo ndi tshitangu kha u tandulula masia othe a vhugudi ha lumbo lufhio na lufhio.
- (f) Luambo kha lu funzwe lu kha nyimele kha masia othe – girama, maanea, oraḷa, litheretsha na kha vhudavhidzani ha u tou vhona.

TSHIVENDA LUAMBO LWA HAYANI BAMMBIRI LA 2 (P2)

12.4 KUSHUMELANYANGAREDZI KWA VHAGUDI KHA BAMMBIRI LA VHUVHILI (P2)

Mahumbulwa zwao

- (a) Mashudu mavhi, hu kha d̄i vha na vhaiwe vhalingiwa vhane vha kha d̄i tou vhala bugu dzo randelwaho nga n̄tha (kana vha si vhuye vha vhala na khathihi). Ngauralo, vhalingiwa avha vha vho shandula bammbiri ili la vho nga tholokanyondivho, vha vho nea phindulo dzavho vho d̄isendeka kha zwipiḍa zwo nanguludzwaho u bva buguni dzo randelwaho.
- (b) Vhalingiwa vho shumaho zwavhuḍi ndi avho vho t̄anaho vhukoni ha u vhala bugu vha dzi pfesesa, vha dovha vha kona u fhindula nga ndila ye ndaela ya vha laedza ngaho, khathihi na u tevhedza tshileme tsha tshivhalo tsha maraga dzo avhelwaho mbudziso yeneyo.

12.5 U SENGULUSA KUSHUMELE KWA VHAGUDI KHA BAMMBIRI LA 2(P2)

Vhukhaki vhu anzelaho u itwa na kupfesele ku si kwone

- (a) Kunangelwe kwa mbudziso i kha di vha khaedu khulwane kha vhunzhi ha vhalingiwa. Tshavho ndi u sokou wela mbudziso nga ntha, vha fhindula nga u tevhelelana hadzo, ngeno vha sa tevhedzi ndaela, thebulu ya zwi re ngomu na mutevhe wa u sengulusa, ngeno zwothe hezwi zwo nekudzwa mathomoni a bammbiri la mbudziso.
- (b) Fhala hune vhalingiwa vha lavhelelwa u nea mbuno dzo imaho nga u rali, vhalingiwa vha mbo di tou elela vha tshi toolola mafhungo vha tshi ya, hu sina mbuno dzo newaho. Tsumbo: M 2.1, 2.2, 2.4, 4.2, 5.2, 5.4, 7.1,7.2,7.4,7.5, 9.1, 9.2, 9.4, 9.5, 13.2, 13.3, 13.7na 13.9. Izwi zwo ita uri vhalingiwa vha fhedze tshifhinga khathihi na u xeelwa nga maraga vhunga ho vha hu tshi khou todou newa mbuno fhedzi.
- (c) Mbudziso iwe na iwe, u ya nga bugu nga bugu, dzo linganyiswa u bva kha dzi sa kondi dzi todaho u tou nea zwi bvaho buguni zwo tou ralo, tsumbo: M2.1, M3.1, M4.1, M5.1, M7.1, M7.2, M7.3, M7.4, 9.1, 9.3, 9.4, 11.1, 11.2, 11.3, 11.4, 13.1, 13.2, 13.3, 13.4, 15.1, 15.2, 15.3, na 15.4. U kundelwa u fhindula mbudziso idzi nga vhaiwe vhalingiwa zwo vhangwa nga u sa vha na ndugiselo, u sa funzwa, kana muvanganyo wa izwi zwothe.
- (d) Musi vhalingiwa vho vhudziswa mbudziso i kwamaho u talusa na/kana u talutshedza tshifanyiso tsha muhumbulo na ndivho ya hone, sa kha mbudziso 2.4, 4.2, 5.2 dza vhurendi vhalingiwa vha sumbedza u shaya ndivho na zwikili. Vhaiwe vha kundelwa u topola thikho/thekeniki/thodea, nahone vhanzhi vha a kundelwa u talutshedza uri dzo livhiswa kha u bvedza zwifhio afho he zwa shumiswa.
- (e) Mbudziso dzi kwamaho vhubumbedzwa kha bammbiri la naiwaha dzo vha dzo livhiswa kha uri mvumbo iyo i tutuwedza hani zwiito zwa uyo mubvumbedzwa (sa: M7.2, M9.2, 11.3, 13.2 na 15.2). Vhaiwe vhalingiwa vho kundelwa u zwi tumanya hezwi.
- (f) Mbudziso dzi kwamaho mulaedza na/kana thero, ndi dze vhunzhi ha vhagudiswa vha dzi kona zwavhudi (sa 2.3, 3.4, 5.3, 7.6, 9.6, 11.6, 13.6 na 15.6).
- (g) Mbudziso dzi kwamaho vhudipfi na thouni vhalingiwa vhanzhi na henefha vho shuma zwavhudi (sa: 3.5, 4.4, 13.11 na 15.11. zwi a takadza u vhona uri vhalingiwa vho no vha tshikili tsha u fhindula mbudziso idzi dzi tokonyaho muhumbulo.
- (h) Vhalingiwa vha si gathi a vho ngo tevhedza ndaela, vha vho xeelwa nga maraga. Huiwe a vha dzhieli ntha maipfi a khii a mbudziso, sa: talutshedzani, hani, ndi ngani, bulani, vhambudzani, nz. Kha mbudziso dza Vhurendi (Khethekanyo ya A), vhalingiwa vha fhindula zwirendo zwo randelwaho fhedzi, vha litsha tshi songo randelwaho tsha khombekhombe. Kha Khethekanyo ya B na C, vhalingiwa vha si gathi vha fhindula

mbudziso pfufhi fhedzi, ngeno vha tshi tea u fhindula NTHIHI ndapfu na NTHIHI pfufhi sa zwo laedzwaho.

- (i) Musi vha tshi fhindula mbudziso dzi toḁaho mulingiwa a tshi nea muhumbulo sa (2.5, 4.5, 5.5, 7.10, 9.10, 9.11, 11.12, 13.10 na 15.10) zwine zwa vha tshikili tshi toḁaho ndivho na vhudzivha zwi livhisaho kha vhuḁifhulufheli. Vhalingiwa vho vha na vhukonḁi ha u wana maraga dzo fhelelaho kha mbudziso hedzi ngauri ha vha na vhusaedzi ha zwiga zwo bulwaho.

Ngeletshedzo dza makhwinisele

- (a) Kha Tshivenḁa HL P2, bugu dzo randelwaho ndi ntswa u thoma nga 2017. Naho bugu dzi ntswa, tshivhumbeo tsha bammbiri ili a tshi shanduki na uri tshi ḁo ḁi dzula tsho ralo u swikela zwenezwo. Ngauralo, vhalingiwa vha tea u fundedzwa u nanga mbudziso nga ndila yone musu vha tshi ya u dzhena mulingoni. Vhagudisi vha tea u nea vhagudi tshikhala tsha u kona u fhindula mbudziso dzine a vha athu ṽanganga nadzo vhukati ha nṽwaha kana kha mulingo wa ndugiselo (preparatory/trial examination).
- (b) Vhagudisi vha tea u shumisa maga a u maka a fanaho u bva kha mirole/giredi dza fhasi u ya phanḁa. Vhagudi kha vha funzwe uri musu ho pfi kha vha nee mbuno MBILI, vha ite nga u ralo vha nee mbuno mbili dzine vha vhona dzi dzone dza ndeme kha u vha fha maraga dzoṽhe. Mbuno dzine dza vha khagala dzi thusedza mumaki/muṽoli uri a si ite vhuḁa musu a tshi tola mushumo wa vhalingiwa.
- (c) Vhalingiwa vha nga si kone u vha na ndivho ya vhudzivha/yo goḁombelaho arali vha songo nweledza ndivho ya zwo faredzwaho maṽwaloni kana buguni dze vha randelwa dzone. Naho vhu tshi tou vha vhurendi fhedzi, na hone vhu tea u gudiwa nga vhuḁalo nahone a ri lavheleli uri hu na mugudisi ane a nga ri vhagudi vha ḁigudele/ḁigudise hayani, hu si na u tou dzhena fhasi, idzo bugu kana zwirendo zwa tou gudiwa hu na ngeletshedzo dzi bvaho kha mugudisi ngomu kilasini. Zwirendo zwi nga vha zwi zwipfufhi, fhedzi zwi tea u senguluswa nga vhuronwane hu tshi dzhielwa nṽha zwiṽalusi zwoṽhe zwa vhurendi sa zwo ṽanwaho kha CAPS.
- (d) Kha uyu murole wa Gireidi ya 12, vhalingiwa vha lavhelwa u ṽana vhukoni ha nṽha u fhirisa u sokou topola thikho/thoḁea/thekeniki ya maṽwalwa. Izwi zwo vhwewa zwavhuḁi khagala kha CAPS, masiṽtari a 28 – 31. Vhagudisi vha tea u vhona uri a zwo ngo eḁana u sokou topola/bula thikho/thoḁea/thekeniki ya maṽwalwa, fhedzi vha tea u kona u ṽalutshedza uri thikho/thoḁea/thekeniki ya maṽwalwa i thusedza hani u bvukulula tshidziki/nṽwongo wo faredzwaho nga iyo thikho/thoḁea/thekeniki ya maṽwalwa.
- (e) Vhubvumbedzwa vhu tea u funzwa kha nyimele – mvumbo ya mubvumbedzwa/muanewa i nga si kwamanyiswe na muṽe wayo arali hu sa sedzwi zwine uyo muanewa a vha zwone. Vhagudisi kha vha litshe u tendela vhagudi uri vha rwele ngomani (kana u kombetshedzwa zwaho) mutevhe wa mvumbo dza vhaanewa ngeno vha si na ndivho yo dziaho zwi tshi

kwama kutshilele/zwiito/vhufifari ha avho vhaanewa. Siangane, fhethuvhupo na lutendo na zwone zwi na thuthuwedzo khulwane kha mvumbo ya vhaanewa.

- (f) Thero na milaedza na zwone a zwo ngo tea u tou rwelwa ngomani hu si na ndivho yo godombelaho. Vhadededzi vha tea u sumbedza vhagudi uri thero na milaedza zwi bvukululwa hani afho kha zwipida zwo fhambanaho zwa zwibveledzwa, ngauralo vhalingiwa vha do konaha u topola thero u bva kha mafhungo o newaho, na u kona u wana tshikili tsha u wana zwidodombedzwa zwi tikedzaho thero.
- (g) Vhagudisi vha tea u eletshedza vhagudi u dzumbulula masia othe a litheretsha, u itela uri musi vha tshi yo n'wala mulingo vha vhe vho no vha na dzangalelo la u pfesesa uri zwiatalusi zwa litheratsha ndi zwinzhi, a si puloto fhedzi. Thouni ndi tshinwe tsha zwiatalusi zwa manwalwa tshine vhalingiwa vha fanela u tshi guda – arali vha sa divha izwi, mudifho munzhi wa tshibveledzwa tshine vha khou tshi vhalala, u do pfuvha.
- (h) Vhalingiwa kha vha pfumbudzwe kha u tevhedza ndaela na mbudziso uri vha vhe na vhudifhulufheli musi vha tshi do livhana na bammbiri la mulingo, na uri luambo lu shumiswaho kha bammbiri la mulingo lu si vhe tshikhukhuliso/khaedu.
- (i) Vhagudi vha tea u gudiswa u saukanya zwibveledzwa, nahone vhagudisi vha fanela u vha na vhusedzi uri vha si kondisele kana u tshipeledza thathuvho ya linwalwa i bvaho kana i netshedzwaho nga vhagudi. Arali vhagudi vha tshi divha zwiatalusi zwo fhambanaho zwa zwibveledzwa zwa u vhalala, vha nga kona u bvisela khagala mihumbulo na kuvhonele kwavho vho disendeka kha izwo zwibveledzwa. U khwathisedza uri vhagudi vha na ndivho ya vhudzivha/yo godombelaho ine ngayo vha nga kona u khwathisedza mihumbulo/kuvhonele kwavho, ndi honeha hune hu tshi do anwa mitshelo i fushaho ya vhudifhinduleli nga mune u itela u do kona u fhindula mbudziso dzi re kha maimo a ntha.

12.6 KUSHUMELENYANGAREDZI KWA VHAGUDI KHA BAMMBIRI LA 3 (P3)

Mahumbulwa zwao

- (a) Vhunga bammbiri ili li lone lo faredzaho maraga nnzhisa mulingoni, ndi zwa ndeme uri vhagudisi vha dzhieze nzhele ndeme yalo kha u khwinisa kushumele kwa vhalingiwa mulingoni.
- (b) Ro no di zwi sumbedza uri Bammbiri la u Thoma na la Vhuvhili a tutula zwikili zwi todeaho uri mulingiwa/mugudi a kone u thwaedzela vhukoni have kha vhuinwali ha zwibveledzwa zwa vhusiki. Vhuinwali ndi tshikili tsha ndeme vhutshilioni. Ngauralo vhalingiwa vha tea u tutuwedzwa u dilugisela tshothe musi vha tshi yo n'wala Bammbiri ili. Mulingiwa u kona u n'wala maanea kana tshibveledzwa tshifhio na tshifhio tsha u tou n'wala arali a tshi kona kushumisele kwone kwa thinwaipfi, divhaipfi, divhafhungo, mupeleto, vhudanzi khathihi na zwikodeli zwa luambo, sa figura dza muambo, luambo lwa u thathuvha, mirero na maambe.

Kha izwi zwothe, nyombedzelo i tea u vha kha tshivhumbeo tsho teaho liñwalwa liñwe na liñwe, vhunga liñwalwa liñwe na liñwe li na tshivhumbeo tshalo tshi li talulaho kha mañwe mañwalwa.

- (c) Ndeme ya u thathuvha na u pfesesa thoho ndi zwi teaho u dzhielwa ntha vhukuma u itela uri mulingiwa a si liane na thoho ya mafhungo, a vho polika a xedza n'wongo/tshidziki/vhutala. Arali mulingiwa a xedza vhutala ha thoho ya mafhungo u a newa ndatiso a vho xeledwa nga maraga dzi si na vhukono.
- (d) Vhagudi vha tea u tevhedza ndaela dzo nekedzwaho uri vha fhindle nga ngona.

12.7 KUSHUMELE KWA VHAGUDI KHA BAMMBIRI LA 3

KHETHEKANYO YA A: Maanea

Vhukhaki vhu anzelaho u itwa na kupfesesele ku si kwone

- (a) Mbudziso ya 1.1 yo fhindulwa zwavhudi zwi tshi sumbedza uri vhalingiwa vho pfesesa thoho. Vhukhaki a hu na vhuñwe arali hu si zwenezwi zwine zwa khou khokhovhedza luambo lwashu. Zwikhukhulisi izwi ndi u shaedza huhulwane kha u sa shumisa vhudanzi, mupeleto, girama, na muñwalo (orthography) nga ndila yone. Izwi zwi mbo ingwa nga u sa kona kufhatelwe kwa mafhungo na pharagirafu, phara dza mvulatswinga na dza phendelo, phara dza mutumbu, phara dza ndungekanyo, nga u ralo nga u ralo.
- (b) Kha mbudziso 1.2, 1.4 na 1.5 na 1.7.1, vhalingiwa vho shaedza u kodela luambo, u tandavhudza thoho na u imelela kuvhonele kwavho nga mbuno dzi gobolaho vhukuma. Vhalingiwa vhañwe vha a kundelwa u anetshela, u talutshedza na u tata vha tshi shumisa thouni, mudi na tshitaela zwo teaho.
- (c) Mbudziso dza 1.3 na 1.4 a dzo ngo ñwaliwa, izwi zwa vho sumbedza uri vhalingiwa a vho ngo pfesesa mafurase a tevhelaho: 'Tatani' na 'khangala khanganyise'. U sa nanga M1.7.2 ndi zwi sumbedzaho uri vhagudi vho lata sialala lavho lune vha si tsha divha na mitambo yavho ya sialala.
- (d) Vhañwe vhalingiwa vho kundelwa u bvisela khagala mihumbulo yavho ngauri a vha na zwikili zwo teaho zwa u ita nga uralo.

Ngeletshedzo dza makhwinisele

- (a) Vhagudisi vha tea u vha na vhuñanzi uri vho gudisa vhagudi u kona u thathuvha na u sengulusa thoho uri hu si vhe na zwidodombedzwa zwi bvukululaho thoho zwine vha nga zwi sia nda. Vhalingiwa vha songo tutuwedzwa na u kokodzwa nga ipfi lithihi fhedzi li re kha thoho! Arali hu na zwiñwe zwine mulingiwa a si zwi pfesese kha thoho, kha i litshe a nange inwe. Hune zwa konadzea, mulingiwa u tea u talela maipfi a ndeme/khii musi vhe kha

ndowendowe dza ḍuvha na ḍuvha. Ngeletshedzo yo khwathaho ndi ya uri u talela uhu a hu tei u itwa mulingoni, fhedzi mulingiwa a nga n̄wala maipfi a ndeme kha vhupulani hawe.

- (b) Vhalingiwa vha tea u tevhedza ndaela, nga maanda zwi tshi yelana na vhupulani. Vhagudi vha tea u pfumbudzwa kha masia kana tshaka dzo fhambanaho dza maanea, vha zwi ita hu si nga tshidola lini. Vhukoni ha u nanga ndi tshikili tsha vhuthogwa lune vhagudi vha tea u khwathelwa vhukuma. U kona u nanga zwo mu teaho, mugudi a nga ḍi zwi guda kha mishumo ya oraḷa. Mugudi kha a nange a tshi tevhedza zwine zwa mu takadza, vhukoni hawe, tshenzhemo khathihi na tshitaela tshawe tsha vhuṅwali.
- (c) Vhukoni ha u shandulela u bva kha tshifanyiso u ya kha zwa u tou n̄wala ndi tshikili tshi si na vhanzhi, ngauralo ndi zwa ndeme uri ndowendowe dza zwi kwamaho zwifanyiso ndi dzi teaho u shumiwa kha mishumo ya oraḷa, ya u n̄wala na inifomaḷa. Naho u sa tou vha mushumo wa u n̄wala maanea nga u tou ralo, vhagudi vha nga tamba nga zwifanyiso vha tshi ḍinea thoho dzo fhambanaho dzi ananaho na tshifanyiso itsho. Ngauralo a zwi tsha ḍo nga tshiguru musi vhalingiwa vha tshi tangana na zwifanyiso kha mbudziso dziṅwe dza Bammbiri ḷa Vhuraru. Zwo no ralo vhalingiwa avha vha ḍo kona u bvukulula vhukoni havho ha vhusiki u bva kha zwa u tou vhona u ya kha zwa u tou n̄wala.
- (d) Vhukoni ha u sika na ha vhuṅe ndi zwone zwi talulaho muṅwali wa vhukoni ha khwiṅe na uyo wa mathakheni. Mugudi a songo ḍinyadza a vhona unga muhumbulo wawe ndi wa muṅwe. Ndi uyo mugudi a humbulaho zwo dzumbamaho na zwi sa vhone a zwi andadzela vhathuni vha kona u vhona, ane a ḍo ambadzwa vhugala, a vhuya na khaṅo ya mitokola.
- (e) Tshivhumbeo na vhupulani ndi zwa ndeme kha vhuṅwali vhuṅwe na vhuṅwe, nahone vhupulani uho vhu tea u anana na mafhungo o faredzwaho kha mafhungo awe. Mvulatswinga i gobolaho na phendelo yo khwathaho ndi zwone zwi dzumbululaho vhukoni ha nthesa ha vhuṅwali ho goḍombelaho.
- (f) U dzudzanya na u sedzulusa ndi zwone thikho ya vhupulani. Dirafuthi/mvetamveto ya u thoma ndi i livhisaho kha tshibveledzwa tsha vhuvhili tsho dzudzanyiwaho, tsho sedzuluswaho. Vhagudi vha tea u vhalulula mushumo wavho u itela u khwaedzela vhuḅhaki ha u sa lunzhedzana ha mafhungo, mupeleṅo, khathihi na u patekanya na u sa patekanyululwa ha maipfi. Vhupfanisi, mupeleṅo, kufhatelwe kwa mafhungo na zwikili zwothe zwa vhuṅwali ndi zwi teaho u gudwa u itela u khwinisa vhuṅwali. Izwi zwi nga totomodza tshothe tshikili tsha vhukoni ha u n̄wala kha vhagudi na vhalingiwa, vha dovha hafhu u kona u shumisa figara dza muambo na thikho dzo fhambanaho dza u kodela luambo nga ndila yone.

KHETHEKANYO YA B: Zwibveledzwa Zwilapfu zwa Vhudavhidzani

Vhukhaki vhu anzelaho u itwa na kupfesesele ku si kwone

- (a) Vhurifhi ha fomaḷa (M2.1) na ha inifomaḷa (2.5), hu tshi katelwa na nganeavhutshilo ya mufu (M2.2), ndi zwone zwo nangeswaho nga vhalingiwa. Naho zwo ralo, hu ḍi vha na zwi

sa rudzi mbilu, zwi ngaho vhukhaki ha tshivhumbeo kha marifhi na nganeavhutshilo ya mufu.

- (b) Muvhigo wa fomala (M2.3) na athikili ya guranda (M2.6), ndi zwa ndeme kha vhutshilo ha divha linwe na linwe, fhedzi vhalingiwa vha teledza u fhindula mbudziso idzi ngauri a vho ngo gudiswa tshivhumbeo tshazwo. Vhatukutuku vho lingedzaho M2.3 vho kundelwa kule u wana maraga ngauri a vha divhi tshivhumbeo tsha hone. Zwe vha n'wala ho vha maanea, thevhe ya vho fhambana na mpato.
- (c) Vhushaedzi ha u sa kona tshivhumbeo tsho teaho, ndi tshone tshipopola tshi kundisaho vhalingiwa u wana vhugala.
- (d) Na henefha, mupeleto, vhudanzi, kufhatelwe kwa mafhungo na mu'walo wo teaho zwi kha di vha mutshoi itoni.

Ngeletshedzo dza u khwinifhadza

- (a) Vhagudi vha tea u wana zwikhala zwo vuleaho zwa u pfumbudzwa kha ili sia nga u nwaliswa zwibveledzwa zwo fhambanaho u itela u alusa zwikili zwavho zwa vhu'wali. Vha dovha hafhu vha wana tshikhala tsha u kona u shumisa thouni, tshitaila na redzhisitara, khathihi na u kona u divha vha tangedzaho mafhungo kana tshigwada tshe linwalwa ilo la livhiswa khatsho.
- (b) Vhagudisi vha u nea vhagudi tsumbo dzo teaho dzi gudisaho vhukoni ha tshivhumbeo na zwibveledzwa zwonezwone, ngauralo vha do konaha u lugisela mbudziso dzo faredzaho izwi kha milingo yavho. Uri vhagudi vha ye u n'wala mulingo vha songo dilugisela lwo teaho vha tshi tou tshivhi tshi si na khangwelo.
- (c) Tshitamennde tsha Kharikhulamu ya Pholisi ya u Linga (CAPS) tshi khagala kha uri tshibveledzwa tshinwe na tshinwe tshi teaho u gudiwa ndi tshifhio u swika vha tshi ya kha Gireidi ya 12. Vhagudisi vha tea u funza vhana zwibveledzwa zwothe hezwi u itela uri vhalingiwa vha vhe na u nanga ho angalalaho musi vha tshi dzhena mulingoni.
- (d) Uri vhagudi vha n'wale zwibveledzwa zwo lundwaho tshidele, zwipida zwa mafhungo zwo faranaho zwavhudi, nahone nga ndila i tevhekanaho, vha tea u funzwa (naho hu u tou kombetshedzwa) u pulana, u vhalulula na u dzudzanya/sedzulusa mishumo yavho.
- (e) Vhagudisi vha nga wana zwipida zwa guranda vha thusa vhagudiswa kha u n'wala athikili dza u ya kha guranda. Zwipida izwi zwi nga di kona u wanala na kha dzi'ne nyambo, zwa tou shandulelwa kha Tshivenda.